

Mbeti á Polo sú fœ azu Galate Tshatshu o'o

Asœeke kœedœe mbeti á Polo sú fœ ayindœe Yisu 6a lœ ogo Galate. Tshe na lima ga zœ lœ bisha ana gene mbœerœe kœemindœe Ɔtsho O'o. Ayuda œedœe angbi azu sœ lima kœedji tœnœe mbœerœe kœefa ayindœe Yisu. Polo mi lima ndœe nœ fœ endje adœeke uzu œ wuta ndjii tœ ala Ndjaba kolœ lœ awa nœ kœeyindœerœe nœ ye ga ndœe Yisu Kristu. Kashe anga Ayuda li lima ga lœ Ikrizia yé œ ka ga pa o'o nœ kœewa gaza adœeke, œtœnœe dá mbœerœe adœeke uzu wuta ndjii tœ ala Ndjaba.

Mbœerœe tœnœe ataa, Polo sú mbeti fœ ayindœe Yisu mbœerœe kœema adœeke Ndjaba papa ataa nene. Kœewa gaza á endje pa tœnœe kœedœe adœeke ishiri uzu sœ adja yerœe. Tshe pa fœ endje adœeke Ndjaba za lima Abrayamo á tshe dœe aba Ayuda tœ uzu ndjii, utshunœe adœeke endje wa she tœ gaza. Kolœ kœeyindœerœe dá uzu œ wuta ndjii tœ ala Ndjaba, yé œ sœ kœembœerœe ndje adœeke soro uzu za yanga fœ Ndjaba.

Bukunœe kurutshelœetœe ye atake:

- Polo kœedœe adja ayi avwa, œeneke á tshe sœ kœemindœe nœ kœedœe adja o'o (1.1-10)
- Ndjaba dá ke Polo mbœerœe adœeke tshe dœe ayi avwa (1.11-24)
- Ɔtsho O'o pa adja o'o gade (2.1-21)
- Kolœ kœeyindœerœe dá mbœerœe adœeke uzu she (3.1-4.31)

- Ayindoetoe azoe doe anga azoe, ye oe katoenoe adoeke Otsho Ishiri koeyoro soro azoe (5.1-6.10)
- Ndangba koemi upu (6.11-18)

Abala

¹ Emoe Polo, ayi avwa noe Yisu Kristu, oe doedoe azu da ke moe koedoe ayi avwa nene. E doedoe ndje uzu da vwa moe adoeke moe wuta ayi avwa nene. Kashe Yisu Kristu oedoe Aba doe Ndjaba a tshe she she loe akuzu asoemo da vwa moe.

² Aaya ko a endje soe doe moe kpoeke te ga ndoe moe yekane a 'a su mbetinoe asoeke foe Ikrizia loe ogo Galate:

³ Kaka Aba azoe doe Ndjaba oedoe pe Gbozu Yisu Kristu ma otsho losu noe endje ga ndoe 'e ye oe za koese gee foe 'e.

⁴ Kristu tshu lima loe kumu ekperoe noe azoe, tshe gбота azoe loe ekperoe noe tshapashone asoe, liaka oeneke a Aba azoe doe Ndjaba yi lima ndoe noe adoeke tshe mboeroe.

⁵ Kaka tshe soe doe moko ngbugu doe ngbugu. Ame.

Otsho O'o soe koloenoe bale

⁶ Moe katoe ama moe ti soe koewu adoeke 'e fa tshangba 'e katsha gb tsheneke a tshe e 'e loe awa noe otsho losu noe Kristu, mboeroe koekpa mangba anga tafo Otsho O'o.

⁷ Anga tafo Otsho O'o gugu nene, kashe anga azu da soe koedjingili tsheloe kumu 'e ye a soe koefa tsheloe Otsho O'o noe Kristu.

⁸ Kashe oedoe anga uzu bale, oedoe a'a, oedoe ndje anga andjelu a tshe koeto ba lafo, a koemindoe anga

Ɔtshɔ O'o á kɔesɔe kpi tɔe ɔeneke á 'a mi lima ndɔe nɔe fɔe 'e, kaka Ndjaba darandɔe ye.

⁹ 'A pa lima ndɔe nɔe utshunɔe yé mɔe kpa sɔe kɔepa tɔenɔe ngɔngɔ asɔe adɔeke: Uzu á tshe kɔepandɔe Ɔtshɔ O'o á sɔe kpi tɔe ɔeneke á 'e gbɔ lima, kaka Ndjaba darandɔe ye.

¹⁰ Yé atamɔe 'e sɔe kɔegbe ngɔngɔ asɔe adɔeke mɔe sɔe kɔepara awa adɔeke azu yindɔe mɔe a? Bale nene, mɔe sɔe kɔepara awa adɔeke mɔe za yanga fɔe Ndjaba. Ɛdɔe mɔe kɔepara awa kɔeza yanga fɔe azu, mɔe kpa dɔe ayi kɔembɔerɔe akwa nɔe Kristu nene.

Mara á Polo te ayi avwa nɔe Yisu

¹¹ Aaya mɔe, mɔe sɔe kɔepa ngbi fɔe 'e adɔeke: Ɔtshɔ O'onɔe á mɔe mi lima ndɔe nɔe fɔe 'e asɔemɔe toto lɔe gbetshelɔe nɔe uzu nene.

¹² Gbambanɔe nene, mɔe gbɔgbɔ tshakane uzu nene, ɔe dɔédɔé ndje uzu dá yisɔe nɔe fɔe mɔe nene. Kashe Yisu Kristu dá ma lima fɔe mɔe.

¹³ 'E dji lima ndɔe mara kɔembɔerɔetɔe mɔe lɔkɔ á mɔe sɔepe lima lɔe awa akwa nɔe Ayuda. Mɔe mbɔerɔe lima ɔerɔe kanga fɔe Ikrizia nɔe Ndjaba waa, yé mɔe para lima dɔe awa kɔ adɔeke ɔe ndi ye.

¹⁴ Mɔe sɔe lima dɔe kɔeyindɔerɔe ga tɔe awa akwa nɔe Ayuda dɔe kɔeza ga tɔe akwa, yé ɔe za lima tɔe mɔe ga tɔe awa nɔe aata azɔe kɔerɔpa anga anga mɔe kɔ á 'a gerɔe dɔe endje lɔe ogo nɔe azɔe.

¹⁵ Kashe, lɔkɔ á Ndjaba wu lima dɔe ɔtshɔnɔe, tshe ke lima mɔe katshatsha utshunɔe adɔeke endje zu mɔe, yé ɔe e lima mɔe lɔe ɔtshɔ lɔsu nɔe ye.

¹⁶ Tshe mbɔerɔe lima adɔeke mɔe wusɔe Gbolo nɔe ye, yekane á kɔeyisɔe Ɔtshɔ O'o nɔe ye fɔe azu á endje dɔédɔé Ayuda nene. Ataa, mɔe nana ga ndɔe anga uzu kɔeyu she ndɔe kɔemi upu fɔe mɔe nene.

¹⁷ Mœ nana ndje lima ga lœ Yerusaleme ndœ kœwu endjeneke á endje dœ lima aayi avwa nœ Kristu utshunœ nene. Kashe mœ ro lima 6a lœ ogo Arabi, yeka manda nœ, á mœ kwatœ mœ ga lœ Damaseke.

¹⁸ Yé manda ungu votœ, mœ na ga lœ Yerusaleme mbœrœ kœgbœtœ mœ dœ Petro. Mœ lo 6a ndœ ye olo ndjokpa dœ mindu.

¹⁹ Mœ wuwu anga angbi ayi avwa bale nene, kashe kolœ Jake á tshe kœdœ aya Gbozu.

²⁰ Eneke á mœ sœ kœsu fœ 'e asœke, mœ sœ kœpa adja utshu Ndjaba adœke œ doédœ wala nene.

²¹ Manda nœ, mœ na 6a lœ ogo Siri dœ pe Silisi,

²² kashe endje wuwu lima sœ mœ 6a lœ Ikrizia nœ Kristu lœ ogo Yuda nene.

²³ Endje djidji lima kolœnœ adœke: «Eshe á tshe sœ lima kœmbœrœ œrœ kanga fœ azœ, dá kpa tetœ kœyisœ œrœ ngœngœnœ asœ tœ upu nœ kœyindœœnœ á tshe pa lima avwara adœke œne wo ye.»

²⁴ Yé endje te lima tœ kœdonga Ndjaba tœ upu nœ mœ.

2

Polo gbœtœ ye dœ anga aayi avwa nœ Yisu 6a lœ Yerusaleme

¹ Yé manda ungu ndjokpa dœ vana, 'a kpa kwatœ 'a dœ Barnabase ga lœ Yerusaleme; mœ za ndje lima Tito potœ mœ.

² Mœ kwa lima tœ mœ mbœrœ á Ndjaba ma lima tœ ye, á pa fœ mœ adœke mœ na ga zœ. 'A ngbœ6a lima tœ 'a kolœ dœ agbozu Ikrizia á œsœ endje li, á mœ pandœ œsœ Ɔtshœ O'onœ á mœ

sœ koemindœ nœ fœ azu á endje doédoé Ayuda nene fœ endje. Gbambanœ nene, mœ sœ dœ awa adœke akwa á mœ sœ koembœrœ toenœ œdœ pe œeneke á mœ kpa mbœrœ sœsœ gbambanœ nene.

³ Kashe Tito, uzu Greke á 'a na tœ awanœ dœ she, endje shoshosho she adœke endje wa she tœ gaza nene.

⁴ Anga aayi koena manda Yisu dœ wala yi lima ndœ nœ adœke endje wa she tœ gaza. Endje li lima yagele ga ugurutœ 'a mbœrœ koewu mara á 'a wuta lœ awa akwa nœ Ayuda, á ngbœtœ 'a bale dœ Yisu Kristu ascœmœ. Endje para awa adœke œne kpa gi 'a ga lœ œrœ kanga nœ awa akwa nœ Ayudanœ.

⁵ 'A vvara tœ 'a kara koedji azunœ ascœmœ, mbœrœ 'a yi lima ndœ koegbœndœ adjapu nœ Ɔtshœ O'o ugurutœ 'e.

⁶ Kashe agbœ agbozunœ á œsœ endje li ascœmœ, œdœ mara á endje lœ dœ toenœ wuwu mœ nene. Gbambanœ nene, utshu Ndjaba, azu kœ sœ awa bale. Endje papa anga o'o kpi ga pa œeneke á mœ pa nene.

⁷ Kashe endje wu adœke Ndjaba za akwa koeyisœ Ɔtshœ O'o fœ angbi azu ga tshakane mœ ƒata á tshe za lima fœ Petro adœke tshe yisœ nœ fœ Ayuda.

⁸ Gbambanœ nene, Ndjaba á tshe mbœrœ lima akwa lœ Petro adœke tshe yisœ Ɔtshœ O'o fœ Ayuda, dá mbœrœ ndje lœ mœ adœke mœ yisœ nœ fœ angbi azu.

⁹ Jake, Petro œdœ Yowane á azu nœ Kristu wu lima endje ƒata agbozu tshapa endje, endje yi lima ndœ nœ adœke Ndjaba dá za akwanœ asœke fœ mœ. Mbœrœ toenœ atamœ, 'a ko lima tshelœ ama kane 'a dœ endje tœ koema fœ azu adœke 'a ngbœ

loema akwance asœke bale doe endje. Atamœ, 'a yi lima ndœ nœ awa bale doe endje adœke, 'a'a doe Barnabase 'a na koemindœ Ɔtshœ O'o foe angbi azu, yé endje na œnœ endje koeyisœ nœ foe Ayuda.

¹⁰ Endje pa lima foe 'a kolœnœ adœke 'a gbe doe aayi oyo. Yé mœ za lima tœ mœ djigi ndœ koemboerœ tœnœ.

Polo gbagbara Petro 6a lœ Atiœshe

¹¹ Kashe lœkœ á Petro na 6a lœ Atiœshe, mœ gbagbara she tœ ala azu mboerœ œrœ á tshe mboerœ lima soesœ doe Ɔtshœnœ nene.

¹² Yé utshunœ adœke azu á Yakobo vwa endje na, tshe soe lima kœzi œrœ tœ œsœnœ doe angbi azu. Kashe manda kœyi kumu endje, tshe gitœ ye ugurutœ angbi azu œ kpa katœ kœzi œrœ awa bale doe endje kparawa Ayuda.

¹³ Anga Ayuda mboerœtœ endje ndje 6ata Petro, yé œ bili Barnabase á tshe te ndje ga lœ mara koemboerœ œrœ nœ endje.

¹⁴ Kashe lœkœ á mœ wu adœke endje soesœ lima koena ndjii lœ adja awa nœ Ɔtshœ O'o nene, mœ pa foe Petro tœ ala azu kœkœ adœke: «Ɛ6œ á 6œ doe Yuda, 6œ soesœ koemboerœtœ zœ 6ata Yuda nene, kashe 6ata angbi uzu. Bœ ka pa angbi azu adœke endje mboerœtœ endje 6ata Ayuda kotoo?»

Ayuda doe pe angbi azu wuta ndjii lœ awa nœ koeyindœrœ

¹⁵ Azœ koedœ adja Ayuda tako, a doédœ angbi azu á ndje doé aayi koemboerœ ekperœ nene.

¹⁶ A wusœ nœ adœke uzu œ wuta ndjii tœ ala Ndjaba mboerœ koelisœ awa akwa nœ Ayuda nene, kashe tshe wuta ndjii mboerœ koeyindœrœ

nœ ye ga ndœ Yisu Kristu. Azœ ndje awa bale, a yindœ Yisu Kristu mbœrœ a kœwuta ndjii mbœrœ kœyindœrœ nœ azœ ga ndœ Kristu, kashe œ soesœ mbœrœ kœlisœ awa akwa nene. Gbambanœ nene, lœ awa nœ kœlisœ awa akwa, uzu bale œ sœ ndjii nene.

¹⁷ Kashe, œdœ 'a kœpara awa kœte azu ndjii lœ Kristu, œ sœ ɓata 'a dœ ndje lima ekpe azu ɓata angbi azu. Atamœ, œ yindœ kœpa adœke Kristu dá sœ kœvwa azu ga lœ ama ekperœ a? Æ, œ soesœ ataa bale nene.

¹⁸ Ædœ mœ kpa kœkwatœ mœ ndœ kœlisœ awa akwa á mœ vwaratœ mœ tœnœ, dá mœ sœ kœma dœ tœ mœ adœke œmœ kœdœ ayi kœmbœrœ ekperœ.

¹⁹ Gbambanœ nene, tœ œmœ nœ mœ, tœ upu á wu awa akwa, mœ sœ ɓata uzu á tshe tshu ye. Awa akwanœ dá wo mœ, mbœrœ adœke mœ sœ dœ tafo soro á kœmbœrœ akwa fœ Ndjaba. Endje kuru mœ ga pa kurushi awa bale dœ Kristu.

²⁰ Soro á mœ sœ dœ tœnœ dœdœ tœ mœ nene, kashe Kristu dá sœ dœ soro lœ mœ. Gbambanœ nene, mbœrœ lœ soro nœ mœ ngɔngɔ asœ lœ ɔkɔ, mœ sœ dœ tœnœ lœ kœyindœrœ ga ndœ Gbolo nœ Ndjaba á tshe yindœ mœ yé á tshu mbœrœ mœ.

²¹ Mœ yiyindœ nœ adœke ɔtshɔ lɔsu nœ Ndjaba ga ndœ mœ sœ gbambanœ nene. Mbœrœ œdœ uzu kœsœ kœpara kœwuta ndjii lœ awa nœ kœmbœrœtœ ye liaka awa akwa, œ yindœ kœpa adœke ádá kuzu nœ Kristu gugu nene.

3

Awa akwa too kœyindœrœ

¹ Uu, azu ogo Galate, ærcæ sœ lœ kumu 'e a! Cede dá mbœrcæ cœrcæ e'e a? Andaa mœ yi lima sœ mara kuzu á Yisu tshu pa kurushi dœ tœncæ fœ 'e ngbi ye o!

² Mœ yindœ kœyu 'e dœ o'o bale: 'E gbɔ Ishiri nœ Ndjaba mbœrcæ á 'e lisœ awa akwa nœ Ayuda a, too 'e gbɔ Ishiri nœ Ndjaba mbœrcæ Ɔtshɔ O'o á 'e dji yé á yindœ nœ?

³ Kotoo, ærcæ sœ lœ kumu 'e a? 'E te lima tœ kœna mangba Kristu dœ gbɔgbɔ nœ Ɔtshɔ Ishiri yé ngɔngɔ asœ, 'e yindœ kœwuta ga tœ ndɔngɔlɔnœ dœ gbɔgbɔ nœ 'e dœ tœ 'e a?

⁴ Atamœ, œneke kɔ á 'e wu sœ gbambanœ a? Celi adœke œ sœ gbambanœ nene.

⁵ Lɔkɔ á Ndjaba sœ kœto Ishiri nœ ye fœ 'e yé á sœ kœmbœrcæ afá ugurutœ 'e, tshe sœ kœmbœrcæ tœncæ mbœrcæ á 'e sœ kœlisœ awa akwa a? Bale nene, tshe sœ kœmbœrcæ tœncæ mbœrcæ á 'e dji Ɔtshɔ O'o yé á yindœ nœ.

⁶ 'E gbe dœ Abrayamo kane. Endje sú 6a la Buku nœ Ndjaba adœke: «Abrayamo sœ lima dœ kœyindœrcæ ga ndœ Ndjaba, yé Ndjaba za she ɔata uzu á tshe sœ ndjii lœ kumu kœyindœrcæ nœ ye.»

⁷ 'E wusœ nœ ngɔngɔ asœke adœke ayindœ Yisu kœdœ adja agbolo nœ Abrayamo.

⁸ Endje sú 6a la Buku nœ Ndjaba utshunœ adœke, Ndjaba œ fa bala angbi azu tœ azu á endje sœ ndjii mbœrcæ kœyindœrcæ nœ endje. Ndjaba pa lima ndœ Ɔtshɔ o'onœ asœ utshunœ fœ Abrayamo adœke: «Mœ to kane mœ ga pa azu tshapashɔnœ asœke kɔ lœ awa nœ zœ.»

⁹ Abrayamo yindœ nœ, yé Ndjaba to kane ye ga pa ye, ataa azu kɔ á endje sœ dœ kœyindœrcæ,

Ndjaba ɔ to kane ye ga pa endje ɔata á tshe to kane ye ga pa Abrayamo.

¹⁰ Kashe azu á endje sɔe kɔegbe adɔeke ɔene she mbɔerɔe kɔelisɔe awa akwa asɔemɔe, Ndjaba darandɔe endje kɔ. Gbambanɔe nene, endje sú ala Buku nɔe Ndjaba adɔeke: «Uzu á tshe kɔesɔesɔe kɔelisɔe ɔerɔe kɔ á endje sú ga la Buku awa akwa yé á sɔe kɔeza ga tɔe akwa nene, Ndjaba darandɔe ye yé.»

¹¹ Ɖ matɔe endje ngbi adɔeke uzu bale ɔ sɔe ndjii utshu Ndjaba lɔe kɔembɔerɔetɔe ye lindɔe awa akwa nene. Gbambanɔe nene, endje sú ala Bukunɔe adɔeke: «Uzu á tshe kɔesɔe ndjii tɔe ala Ndjaba lɔe awa nɔe kɔeyindɔerɔe, tshe sɔe bala dɔe soro.»

¹² Andaa kɔelisɔe awa akwa lili dɔe kɔesɔe dɔe kɔeyindɔerɔe nene. Kashe uzu á tshe lisɔe awa akwa kɔ, tshe gbɔ soro lɔe awa nɔe awa akwanɔe asɔemɔe.

¹³ Kristu yɔ azɔe lɔe ndɔekidji nɔe awa akwa á yi ma ndɔe kɔete ga pa azɔe. Ndɔekidjinɔe te ga pa ye lɔe kudu azɔe. Gbambanɔe nene, endje sú ala Buku nɔe Ndjaba adɔeke: «Uzu kɔ á endje kuru she ga pa ɔyɔ, Ndjaba darandɔe ye yé.»

¹⁴ Dɔe tɔenɔe ataa, kɔeto kane á endje pa lima tɔenɔe fɔe Abrayamo ɔe wuta ga ndɔe angbi azu lɔe awa nɔe Yisu Kristu, yé azɔe kɔ a gbɔ Ɖtshɔ Ishiri á Ndjaba pa lima tɔenɔe lɔe awa nɔe kɔeyindɔerɔe.

Awa akwa ɔedɔe kɔepandɔe kɔembɔerɔe ɔerɔe

¹⁵ Aaya mɔe, a tondɔe kɔembɔerɔe ɔerɔe nɔe azu: Lɔkɔ á uzu kɔesu mbeti kɔekatɔe uvu, uzu bale á tshe li kɔevwara tɔe ye tɔenɔe too kpa kɔesu anga angbi ɔerɔe ga pa nɔe gugu nene.

¹⁶ A wusœ nœ dœ ɔtshɔnœ adœke Abrayamo dœ atanœ dá Ndjaba pa lima ndœ kœmbœrœ œrœ fœ endje. Endje susu ala Bukunœ adœke: «dœ aatanœ», ɓata azu ndjoro dá endje pa tœ endje nene. Kashe endje sú ala Bukunœ adœke: «dœ ata zœ», tœ kœyisœ uzu bale á tshe kœdœ Kristu.

¹⁷ Ádá o'onœ á mœ yindœ kœpa fœ 'e dœke: lima utshunœ, Ndjaba guma ayo dœ Abrayamo yé œ pandœ nœ adœke œne gbɔndœ nœ. Manda nœ, œendœnœ di ngbugu kama vana dœ zazu bale dœ ndjokpa yekane á awa akwanœ wuta. Bata awa akwa lili kœwo ayo á Ndjaba guma lima utshunœ nene, œ li ndje ndœ kœwo o'o á Ndjaba pa lima ndœ nœ nene.

¹⁸ Kashe œ kœsœ adœke Ndjaba to anga œrœ mbœrœ kœlisœ awa akwa, azu œ gbɔ ma œneke á tshe pa lima ndœ nœ nene. Andaa lœ awa nœ kœpandœ œrœ dá Ndjaba má lima ɔtshɔ lœsu nœ ye ga ndœ Abrayamo.

¹⁹ Ataa, ádá awa akwa kœdœ gadœ? Ndjaba za lima awa akwa mbœrœ kœma ekperœ œrrr ga tœ kœwuta ata Abrayamonœ á tshe pa lima o'o tœ upu nœ ye. Aandjelu ko lima awa akwanœ ga tshakane uzu á tshe sœ lima ugurutœ Ndjaba dœ azu.

²⁰ Andaa, Ndjaba za lima o'o fœ abrayamo lɔkɔ á tshe sœ kuti ye. Yé œ kœsœ adœke uzu mbœrœ œrœ dœ kuti ye, anga uzu œ gu ugurutœ ye dœ anga azu nene.

Ádá nœ awa akwa kœdœ gadœ e?

²¹ Œneke yindœ kœpa adœke, awa akwa vwaratœ ye tœ o'o á Ndjaba pa lima ndœ nœ ye a? Œ œ nene. Œdœ awa akwa kœsœ ma dœ

gbɔgbɔ tɔe kɔeto soro fɔe azu, ɔe mbɔerɔe ma adɔeke azu wuta ndjii utshu Ndjaba mbɔerɔe á endje sɔe kɔelisɔe awa akwa.

²² Kashe endje sú ɔa la Buku nɔe Ndjaba adɔeke, ekperɔe vwele azu tshapashɔ kɔ ga tɔenɔe yekane á ayindɔe Yisu kɔegbɔ ɔtshɔrɔe á Ndjaba pa lima ndɔe nɔe lɔe awa nɔe kɔeyindɔerɔe nɔe endje ga ndɔe Yisu Kristu.

²³ Lima utshunɔe, damba Kristu nana lima adɔeke a sɔe dɔe kɔeyindɔerɔe ga ndɔe ye nene, awa akwa vwele lima azɔe ɔata akanga. Ɖe mbɔerɔe lima tɔe ye atamɔe ɔerrr ga tɔe lɔkɔ á Ndjaba yisɔe kɔeyindɔerɔe fɔe azɔe.

²⁴ Yé atamɔe, awa akwa dá sɔe lima kɔetondɔe azɔe ɔerrr ga tɔe kɔena Kristu, adɔeke a wuta azu á endje sɔe ndjii tɔe ala ye lɔe awa nɔe kɔeyindɔerɔe.

²⁵ Kashe manda kɔena kɔeyindɔerɔe, a kpa sɔesɔe tshakudu awa akwa nene.

²⁶ Gbambanɔe nene, e'e kɔkɔ kɔedɔe agbolo nɔe Ndjaba lɔe awa nɔe kɔeyindɔerɔe á sɔe kɔengbɔɔa 'e dɔe Yisu Kristu.

²⁷ Adjapu, e'e kɔkɔ á 'e gbɔ batisimu, 'e ngbɔtɔe 'e bale dɔe Kristu, yé ngɔngɔ asɔeke, 'e za mara Kristu dɔe tɔe ye.

²⁸ Ádá kɔekuru tshagurutɔe azu kpa gugu nene. Ɖedɔe Ayuda, ɔedɔe angbɔ azu, ɔedɔe akanga, ɔedɔe ayengɔ ogo, ɔedɔe ayakoshe, ɔedɔe ayashe, e'e para kɔkɔ 'e wuta uzu bale lɔe kɔengbɔtɔe 'e dɔe Yisu Kristu.

²⁹ Yé ɔedɔe 'e kɔedɔe azu nɔe Kristu, dá 'e kɔedɔe aata Abrayamo, yé 'e dɔe ayengɔ kɔegbɔ ɔerɔe tshangbanɔe á Ndjaba pa lima tɔenɔe.

4

¹ 'E wu gbetshelœ nœ mœ: Ædœ uzu á tshe kœdœ ayengɔ kœgbœrœ tshangbanœ kœsœ pe damba gbolo, œdœ œrœ para kɔkɔ kœdœ œnœ ye gbaa, tshe sœ kolœ ɓata kanga.

² Kashe tshe zatœ ye ga ati, yé aayi kœgbœndœ ye œ gbœndœ ye dœ œrœ nœ ye kɔ œrrr ga tœ olo á abanœ za.

³ Azœ ndje awa bale, a dœ lima akanga lɔkɔ á a dœ lima agbolo tshakudu œrœ nœ tshapashɔ.

⁴ Kashe lɔkɔ á olo á Ndjaba za lima li, tshe vwa Gbolo nœ ye á tshe wuta lœ yashe yé á sœ lima kœlisœ awa akwa nœ Ayuda,

⁵ mbœrœ kœvwara endjeneke á endje sœ tshakudu awa akwa ga ushu, dœ pe kœza awa fœ azœ adœke a te agbolo nœ Ndjaba.

⁶ Tœ kœma adœke e'e kœdœ agbolo nœ Ndjaba, tshe vwa Ishiri nœ Gbolo nœ ye ga tœ lœsu azœ, á sœ kœpa adœke: «Aba!»

⁷ Ataa, ɓœ kpa dœdœ kanga nene, kashe gbolo. Yé ɓata gbolo, ɓœ kœdœ ayengɔ kœgbœ œrœ tshangbanœ: œtœnœ kœdœ akwa nœ Ndjaba.

ƙi nœ Polo tœ upu nœ azu Galate

⁸ Utshunœ, 'e wuwu lima sœ Ndjaba nene yé 'e dœ lima akanga nœ andjaba á endje dœdœ adja andjaba nene.

⁹ Kashe ngɔngɔ asœke ɓata á 'e wusœ Ndjaba, too Ndjaba wusœ 'e ye, œ li adœke 'e kpa kwatœ 'e ndœ œrœ tshapashɔ á gugu dœ gbɔgbɔ nene yé á sœ gbambanœ, dœ mara adœke 'e kpa dœ akanganœ ye a?

10 'E soepe tœ koelisœ olo, dœ yapu, dœ tshakala ungu œdœ ungu!

11 Æneke á 'e mbœrœ asœke sœ kœza awa fœ mœ waa. Ærrr á tshangba akwa nœ mœ ugurutœ 'e œ sœ gbambanœ a!

12 Alaya mœ, mœ sœ kœki fœ 'e adœke 'e mbœrœtœ 'e b̥ata mœ; gbambanœ nene, mœ sœ koembœrœ ndje tœ mœ b̥ata 'e. Bale 'e m̥boembœrœ lima anga ekperœ fœ mœ nene.

13 'E wusœ nœ dœ ɔtsh̥nœ adœke, œ sœ lima dœ l̥k̥a á mœ sœ dœ k̥o̥ba d̥á mœ yi lima sœ ɔtsh̥ O'o ama Ndjaba tœ alinœ utshunœ fœ 'e.

14 'E wu lima oyo dœ mœ dœ k̥o̥banœ waa, yé bale 'e m̥m̥a lima dœ mœ nene yé œ wuwu mœ djerœ djerœ lœ ala 'e nene. 'E fafa ndje tshangba 'e fœ mœ nene. Kashe 'e za lima osho kœsœ fœ mœ b̥ata œmœ kœdœ andjelu nœ Ndjaba, too b̥ata œmœ kœdœ Kristu Yisu má dœ tœ ye.

15 'E sœ lima dœ yanga utshunœ waa, yé ng̥ng̥nœ asœ, œ kpa mbœrœ kotoo o? Mœ pa ngbi adœke, œdœ 'e kœgb̥o liya awa, 'e tshagavwa ala 'e mbœrœ kœko fœ mœ.

16 Yé ng̥ng̥nœ asœke, 'e sœ kœyiangba mœ, mbœrœ á mœ sœ kœpa adja o'o a?

17 Anga azu sœ kœma adœke œne sœ dœ egerœ ogo 'e tœ l̥su œne, kashe gb̥etshelœ nœ endje sœsœ dœ ɔtsh̥nœ nene. Endje sœ kœpara kœkuru tshagurutœ azœ dœ 'e yekane á 'e kœsœ dœ egerœ ogo endje.

18 Æneke á ga kœdœ kœma ogo nœ koembœrœ ɔtsh̥rœ á ka nene, œdœ mœ sœ ugurutœ 'e œdœ mœ sœ ugurutœ 'e nene.

¹⁹ Agbolo nœ mœ, mœ kpa sœ kœwu oyo mbœrœ 'e ɓata yashe á tshe sœ dœ kɔɓa kœzu œrrr adœke 'e wuta kœmbœrœtœ 'e ɓata Kristu yekane.

²⁰ Uu! Mœ gbe má adœke 'a sœ dœ 'e ngɔngɔnœ asœke, mbœrœ á mœ kœwusœ mara á li adœke mœ pa dœ o'o fœ 'e. Gbambanœ nene, mœ kpa wuwusœ o'o á mœ pa nene.

O'o tœ upu nœ Agare dœ Sara

²¹ 'E pandœ nœ fœ mœ ka, e'e á 'e yindœ kœzatœ 'e ga tœ awa akwa nœ Ayudanœ asœke, 'e sœsœ kœdji œneke á awa akwa sœ kœpa tœnœ nene a?

²² Endje su lima adœke, Abrayamo zu lima agbolo yakoshe bisha. Anga bale tœ Agare á tshe dœ yashe kanga, anga tœ Sara á tshe dœdœ yashe kanga nene.

²³ Kashe tshe zu gbolo tœ yashe kangandœ lœ awa nœ ɔkɔ, yé gbolo nœ yashenœ á tshe dœdœ kanga nene, tshe zu she liaka o'o á Ndjaba pa lima tœnœ fœ she.

²⁴ O'onœ á ro liya asœ sœ kœma anga œrœ fœ azœ. Œ sœ atake: ayashenœ bibisha asœ sœ kœma ayo bisha á Ndjaba guma lima. Bale kœdœ ayo á to ɓa pa kaga Sinayi, œtœnœ kœdœ Agare. Ayonœ asœke dá sœ kœzu agbolo kanga.

²⁵ Agare kœdœ kaga Sinayi á sœ ɓa lœ ogo Arabi. Tshe kpa sœ ɓata ongbo Yerusaleme nœ ngɔngɔ asœke, mbœrœ ongbonœ dœ agbolo tshelœnœ kɔ kœdœ akanga.

²⁶ Kashe Yerusaleme nœ tshalafo dœdœ kanga nene, yé œtœnœ kœdœ ayi azœ.

²⁷ Gbambanœ nene, endje sú ala Buku nœ Ndjaba adœke:

«Sœ dœ yanga, œbœ dœ yashe mara á 6œ soesœ
lima kœzu tœnœ nene.

Ta rawa dœ yanga, œbœ á kô6a kœzu agbolo kaka
6œ nene,

gbambanœ nene, yashe á akœnœ katœ ye, tshe zu
agbolo ndjoro

kœropa yashe á tshe sœ dœ akœnœ.»

²⁸ Yé alaya mœ, e'e kœdœ ndje agbolo á endje zu
'e liaka o'o á Ndjaba pa lima tœnœ, 6ata endje zu
ndje dœ Izaka.

²⁹ Kashe utshunœ lima, gbolo á endje zu she 6ata
agbolo á azu œ zu endje, sœ lima kœmbœrœ œrœ
kanga fœ gbolo á endje zu she lœ awa nœ Ishiri. Yé
ngœngœ asœke, œrœnœ sœpe ndje kœmbœrœtœ ye
awa bale.

³⁰ Yé Buku sœ kœpa o'o kotoo o? Ɔ sœ kœpa
adœke: «Gœrœ yashe kanga dœ gbolo yakoshe nœ
ye, gbambanœ nene, œ lili adœke gbolo nœ yashe
kanga ngbœpa kœgbœ œrœ tshangba abanœ awa
bale dœ gbolo nœ yashe á tshe dœdœ kanga
nene.»

³¹ Mbœrœ tœnœ ataa alaya mœ, a dœdœ agbolo
nœ yashe kanga nene, kashe azœ kœdœ agbolo
nœ yashe á tshe dœdœ kanga nene.

5

'E shi gbi lœ kœyindœrœ nœ 'e ga ndœ Kristu

¹ Kristu gi azœ lœ kanga mbœrœ adœke a
kpa dœdœ akanga nene. Adja 'e shi gbi yé 'e
mbœmbœrœ adœke 'e kpa kwatœ 'e dœ akanga
nene.

² Ɔmœ Polo, mœ sœ kœpa fœ 'e adœke, œdœ
endje kœsœ kœwa 'e tœ gaza, 'e kœsœpe kœza lœsu

'e ga pa gaza, æ yindœ køpa adœke ádá œerœnœ á Kristu mbœrœ fœ 'e gugu nene.

³ Yé mœ kpa sœ køpandœ nœ fœ uzu kɔ adœke angbi uzu á tshe køyindœ nœ adœke endje wa œene tœ gaza, æ li adœke tshe mbœrœtœ ye lindœ awa akwa djigi.

⁴ Ædœ 'e kœsœ køpara kœsœ ndjii 6a utshu Ndjaba lœ awa akwa, dá æ yindœ køpa adœke 'e kurutshelœtœ 'e dœ Kristu ye. Atamœ, 'e wusœ nœ adœke 'e vwaratœ 'e tœ ɔtshɔ lœsu nœ Ndjaba ye.

⁵ Tœ azœ, a za gbetshelœ nœ azœ ga tœ Ndjaba á tshe sœ kømbœrœ adœke a sœ ndjii tœ ala ye, yé œerœnœ dá a sœ køekate tœnœ lœ awa nœ ɔtshɔ Ishiri á sœ kømbœrœ akwa lœ køyindœrœ nœ azœ.

⁶ Gbambanœ nene, uzu á tshe ngbɔtœ ye bale dœ Yisu Kristu, endje wa she too endje wa she nene, æ gugu dœ ada bale nene. Æneke á sœ dœ ádá kœdœ kœsœ dœ køyindœrœ á sœ køematœ endje lœ awa nœ køyindœsho.

⁷ Utshunœ, 'e sœ lima kømbœrœtœ 'e dœ ɔtshɔnœ. Ædœ dá kpa ko œrœ ku lœ awa 'e, yé á pakata 'e kømbœrœtœ 'e lindœ adja o'o a?

⁸ Æneke á endje pa fœ 'e á 'e yindœ nœ asœmœ, toto 6a ndœ Ndjaba á tshe e 'e nene.

⁹ Azu pa walaka adœke: «Ædœ ɔyɔ kœsuku mapa kœsœ teasho, á endje djanga dœ zuwa mapanœ, æ suku mapanœ djigi.»

¹⁰ Æmœ, mœ za lœsu mœ fœ Gbozu mbœrœ 'e. Mœ wusœ nœ adœke 'e za anga angbi awa kpi tœ œœnœ mœ nene. Kashe uzu á tshe sœ kœedjingili

kumu 'e asœmœ, tshe dœ uzu œðe gbaa, Ndjaba œ za djofele fœ she.

¹¹ Alaya mœ, tœ upu nœ mœ, œdœ mœ kœsœ pe kœyisœ o'o kœwa gaza, mbœrœ gadœ á endje mbœrœ œrœ kanga fœ mœ a? Æ kœsœ atamœ, kœmindœ upu kuzu Kristu pa kurushi œdœ œrœ kœza o'o fœ uzu bale nene.

¹² Tœ upu nœ azu á endje sœ kœdjingili tshelœ kumu 'e asœmœ, kaka endje 'oro tshashe endje.

Ɔkœ œdœ Ishiri

¹³ Alaya mœ, Ndjaba e 'e adœke 'e wuta lœ kanga ye. 'E gbegbe adœke ŋata á 'e wuta lœ kanga asœmœ, 'e kpa na kœmbœrœ œrœ á ogo Ɔkœ 'e œ vwa 'e ndœ nœ nene. Kashe œ li adœke 'e mbœrœ akwa fœ anga 'e lœ awa nœ kœyindœsho.

¹⁴ Gbambanœ nene, awa akwa kœ sœ lœ o'o tshebabale asœ: «Yindœ yanga zœ ŋata á ŋœ sœ kœyindœtœ zœ dœ tœ zœ.»

¹⁵ Kashe œdœ 'e kœsœ kœlotœ 'e yé á sœ kœto uku tœ 'e dœ tœ 'e ŋata agea tshelœ gusu, ala 'e gbœ: ete nene, 'e wotœ 'e ugurutœ 'e kœ ye.

¹⁶ Mbœrœ tœnœ, mœ sœ kœpa fœ 'e adœke: 'e mbœrœtœ 'e liaka œneke á Ɔtshœ Ishiri œ yisœ nœ fœ 'e. Ædœ 'e kœsœ kœmbœrœ ataa, 'e mbœrœ œrœ á Ɔkœ œ vwa 'e ndœ kœmbœrœ tœnœ nene.

¹⁷ Gbambanœ nene, agbe nœ Ɔtshœ Ishiri sœsœ awa bale dœ œnœ Ɔkœ nene yé œnœ Ɔkœ lili ndje dœ œnœ Ɔtshœ Ishiri nene. Adjapu, Ɔkœ œdœ Ɔtshœ Ishiri sœ kœnga koshe ugurutœ endje. Mbœrœ tœnœ ataa, 'e kpa lili kœmbœrœ œrœ á 'e gbe má kœmbœrœ tœnœ asœmœ nene.

¹⁸ Kashe, œ kœdœ Ɔtshœ Ishiri dá sœ kœyisœ awa fœ 'e, dá 'e kpa sœsœ tshakudu awa akwa nene.

19 'E wu mara koembæroetoesho œeneke á ogo koena manda ɔkɔ œ vwa azu koembæroetœenœ: koembæroetœ angba budu, koembæroetœ œroetœ uburu, koembæroetœ œroetœ tshula,

20 koedonga andjaba, koembæroetœ afá, kœsœ doetœ ekpe lœsu, kœkurutshelœtoetœ osho, koembæroetœ uku, kœsœ doetœ ókó, kœgbugburu tshelœtoetœ osho, kœ'ea osho, kœli ga lœ anga ukpulu azu,

21 kœsœ doetœ egerœ lœsu, kœendjorœ dopa nœ, kœziroetœ tɔpanœ kpuru œdoetœ pe anga œroetœ á li doetœ œeneke kɔ. Mœ sœ kœpandœ nœ fœ 'e ngɔngɔ asœeke ɓata á mœ pa lima utshunœ adœeke: «Azu á endje sœ koembæroetœ œœœœœ asœ, endje gbɔ Ogo gbozu nœ Ndjaba nene.»

22 Kashe akwa á ɔtshɔ Ishiri œ vwa uzu koembæroetœ toetœ doetœ: Kœyindœesho, kœsœ doetœ yanga, kœsœ gee, kœsœ doetœ ugu lœsu, kœsœ doetœ ɔtshɔ lœsu, koembæroetœ ayo, kœyindœœœ,

23 kœsœ doetœ œmɔ lœsu, kœdoetœ gbozu tshapa undu zœ. Awa akwa á vwaratœ ye toetœ œœœœœ asœ gugu nene.

24 Endjeneke á endje ngbɔtoetœ endje bale doetœ Yisu Kristu, endje wo ekpe ogo nœ ɔkɔ á vwa lima endje koembæroetœ ekperœ ɓa pa kurushi.

25 Bata a sœ doetœ soro lœ awa nœ ɔtshɔ Ishiri, œ li adœeke a na kolœ toetœ awa á tshe sœ kœeyisœ nœ fœ azœ.

Awa akwa nœ Kristu

26 Adja a sœsœ doetœ egerœ kumu nene, a katœ kœeshokɔ anga azœ doetœ ama œdoetœ kœsœ doetœ egerœ lœsu ugurutœ azœ.

6

¹ Alaya mœ, œdœ 'e kœgbɔ anga uzu bale á tshe kœsœ kœmboœrœ ekperœ, e'e má 'e sœ dœ ɔtshɔ Ishiri ascœmœ, 'e za she ga tœ awa ndjii dœ ɔmɔ lɔsu adœke tshe wuta lœ ekperœ. Yé ala 'e gbɔ, uzu dœ uzu adœke adja lɔsu ye bibili she ndje nene.

² 'E ti kane anga 'e lœ ɔgbɔ œrœ kɔ. Œdœ 'e kœmboœrœ atamœ dá 'e mbœrœœtœ 'e liaka awa akwa nœ Kristu.

³ Gbambanœ nene, œdœ uzu bale kœgbe adœke œne ropa anga œne, andaa tshe kœsœsœ ataa nene, tshe sœ kœfaratœ ye dœ tœ ye.

⁴ Kashe uzu dœ uzu tondœ ɔtshɔ ye dœ tœ ye kane. Œdœ œ kœsœ dœ ɔtshœnœ, tshe sœ dœ yanga tœ akwa á tshe mbœrœ dœ tœ ye. Kashe œ dœdœ mbœrœ á tshe ropa anga yanganœ nene.

⁵ Gbambanœ nene, uzu dœ uzu œ za kongba tshangba œrœ á tshe mbœrœ dœ tœ ye.

⁶ Œ li adœke uzu á endje sœ kœyisœ o'o ama Ndjaba fœ she, ko anga tshakala œrœ nœ ye djigi fœ tsheneke á tshe sœ kœyisœœœnœ fœ she.

⁷ Adja lɔsu 'e fafara 'e nene: endje mɔmɔ Ndjaba nene. Uzu dœ uzu œ kɔ œneke á tshe lu.

⁸ Œdœ uzu kœlu œrœ kolœ mbœrœ ogo ɔkɔ ye, ngwarœ á tshe kɔ kœdœ kuzu. Kashe œdœ tshe kœlu œrœ neke á za yanga fœ ɔtshɔ Ishiri, ataa Ishiri nœ Ndjaba œ to soro á ka nene fœ she.

⁹ Bata œ sœ ataa, œ li adœke a mɔ dœ kœmboœrœ ɔtshœrœ nene. Gbambanœ nene, lɔkœnœ kœwuta, a kœgbɔ œrœ tshangba œneke á lu œdœ a kœkakatœ kœmboœrœ tœœnœ nene.

¹⁰ Dœ tœœœ ataa, œdœ a kœgbɔ awa tœ kœmboœrœ ɔtshœrœ, a mbœrœ fœ azu para kɔkɔ.

Køeropa nœ, a mbœrœ fœ aaya azœ dœ ayindœ Kristu.

Ndangba kæmi upu nœ Polo

¹¹ 'E wu ogboro mbetinœ asœke: mœ su fœ 'e dœ adja kane mœ!

¹² Azu á endje sœ kægbɔgbɔ 'e adœke endje wa 'e tœ gaza asœmœ, endje kœdœ azu á endje sœ kœpu awa adœke œne matœ œne ɓata ɔtshɔ azu lœ ɔkɔ. Endje mbœrœ ataa adœke azu kœmbœmbœrœ œrœ kanga ga tœ œne lœ kumu kœyisœ œrœ tœ upu nœ kuzu Kristu pa kurushi nene.

¹³ Ɔdœ ndje azunœ á endje wa endje tœ gaza asœmœ, endje lili ndje sœ awa akwa nœ Ayudanœ nene. Kashe endje yindœ nœ adœke, endje wa 'e yekane á œne kœdonga tœ œne mbœrœ á 'e dji o'o ama œne.

¹⁴ Tœ mœ nœ mœ, mœ sœ kœdonga tœ mœ kolœ mbœrœ kuzu Gbozu nœ azœ dœ Yisu Kristu pa kurushi. Yé lœ awa nœ kurushi, œrœ tshapashɔnœ asœke wuta ɓata œrœ á tshu ye mbœrœ mœ yé œmœ ndje mœ wuta ɓata uzu á tshe tshu utshu œrœ kɔ pa ɔshɔnœ asœke.

¹⁵ Dœ tœnœ ataa, endje wa uzu too endje wawa uzu nene, œ gugu dœ ádá bale nene. Kashe œneke á ropa nœ kœdœ adœke, Ndjaba sœ kœmbœrœ azœ dœ atafo azu.

¹⁶ Kaka Ndjaba yisœ lɔsu kœwu oyo œdœ pe kœsœ gee nœ ye ga ndœ azu kɔ á endje za awa kœyisœœrœnœ asœke, œdœ ndje ga pa adja azu nœ Ndjaba.

¹⁷ Kœto ngɔngɔ asœ, uzu bale kpa ndandanga mœ nene, gbambanœ nene, shœwœ á sœ tœ ɔkɔ mœ asœke, má adœke œmœ kœdœ uzu nœ Yisu.

¹⁸ Aaya mœ, kaka Gbozu nœ azœ dœ Yisu Kristu
ma ɔtshɔ lɔsu nœ ye ga ndœ 'e. Ame.

Mono
Mono New Testament

copyright © 2020 Wycliffe Bible Translators, Inc. and ACOTBA-SUBO

Language: Mono

Contributor: Association Congolaise Pour la Traduction de la Bible et
Alphabetisation - Sukisa Boyinga

All rights reserved.

2025-05-14

PDF generated using Haiola and XeLaTeX on 14 May 2025 from source files
dated 14 May 2025

fe1a9e91-0d4a-5969-816d-e467ff6cc983